

DEO OPTIMO MAX. UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICO-CHIRURGICA,*

QUOD LIBETARIIS DISPUTATIONIBUS,
manè discutienda in Scholis Medicorum, die Martis undecimâ
mensis Martii, Anno Domini M. DCC. LX.


M. LUDOVICO-RENATO MARTEAU,
Doctore Medico, Præside.

Virum in Herniis Intestinalibus, etiam cognitâ intestini prolapsi læsione, operatio celebranda?

I.



HAEC Græcorum, à Latinis Hernia, Ruptura Ramez appellatur. Morbus est quo intestina vel omentum è loco naturali pulsa delapsa-ve tumorem extris in abdominis circumferentiâ manifestum faciunt. Dirus ille generis humani hostis, gulæ non modò & otiosæ quietis progenies, sed & ærumnarum exhaltatorumque laborum merces acerba, quos aggreditur mille torquet cruciatibus, aut sine morâ demersos orco dimittit. Herniæ duplicis sunt generis: aut enim ab humoribus sensim paulatimque aggestis, & partes extrâ ventem pendulas occupantibus producantur, & tunc spurie vocantur; aut ex visceribus quibusdam quâcumque de causâ ex cavo abdominis profluentibus ducunt originem, & veræ sunt herniæ. Nec harum unica species, imò pro diversitate locorum in quibus sedet tumor, & pro variis partibus hernias facientibus, cognomina varia ab Authoribus imposita sunt. Tribus in locis vulgò fiunt herniæ, in umbilico scilicet, inguine & scroto. Quæ sit in umbilico hernia, Exomphalos dicitur; quæ in inguine, Bubonocoele nomen retinet; Tertia denique scrotum occupans Oshêcœles vocatur. Partes his in locis hernias facientes eadem prorsus sunt, sed prout scrotum vel unâ delabuntur extrorsum, illarum variant denominationes. Sic hernia umbilicalis Enteromphalos nuncupatur, cum intestini solius est prolapsus; Epiloomphalos cum omento tantum debetur tumor; Entero-Epiloomphalos si ab utroque producta fuerit hernia. Non idem tamen de herniâ inguinali accuratus dixeris: illa cum sit potius herniæ principium quàm hernia, sive ab omento, sive ab intestino, vel ab utroque simul ortum habuerit, Bubonocoeles nomine semper gaudet. At ubi de Oshêcœle herniâ completâ quæritur, huic partium prolapsarum nomen assignatur. Hinc Epilocœle dicitur si solum epiploon, Enterocele si intestinum & Entero-Epilocœle si utrumque in scrotum deciderit. Partes quæ hernias intestinales efficiunt, intestina sunt & epiploon; ex intestinis autem gracilia sæpius, præsertimque ileum delabitur; crassiora rariùs, & ex his colum frequentius quàm cæcum & rectum quod raro admodumprehenditur. Intestina utrumque in latum propulsa gliscere consueverunt; epiploon verò in sinistram magis quàm in dextram inguen inclinatam, huc frequentius descendit Epilocen facturum. Hujus rei ut & intestinorum prolapsus ratio neminem Anatomicos gnarum fugere potest. Quanquàm enim partes deciduæ multiplici tegumentorum repagulo sat valido circumsepte nexibus firmis retentæ, eadem fluxiles tamen & pendulæ admodum à naturâ fuerunt relicte, ergò minimè mirum si quilibet occasione partes illæ è loco naturali dimoveantur. Intestina quidem Mesenterii circumferentiæ adhaerent maximè; omentum ventriculi & coli majori curvaturæ aliisque visceribus firmè appensum; at hæc in abdominis cavo liberè fluctuant, & quascumque directiones sequi prona, quâ minorem nanciscuntur resistentiam, elabi compressa videntur. Peritonæi quoque & musculorum abdominalium artificiosa compositio non difficiles exitus intestinis & omento præbent. Peritonæum in umbilico & supra pubem quæ testes viris in Scroto, & feminis ligamenta descendunt, debilius factum suppositis visceribus effugium ministrat. Hic illius membranz exterior lamella cum valis spermaticis in maribus, & ligamentis rotundis in mulieribus extrâ abdomen longius protenditur, internâ duntaxat pondus viscerum sustinente, illie vice versâ interiori peritonæi lamellâ venam & arterias umbilicales comitante, externa umbilici margines abducta relinquitur. Musculi pariter abdominales supra pubem valis spermaticis, aut ligamentis rotundis transtrum concedendo viam eandem herniis non negant. Eorum quippe utrimque tennorum ita dispositæ sunt fibræ, ut obliqui interni & transversii musculares divaricæ-



* Auctore M. PETRO ROUSSIN DE MONTABOURG, anno 1742.

ione prohibent, dum obliqui externi tendinose fibræ annulum ovalem simulant, quo conclusis visceribus semita foris patet.

I I.

I GITUR si violorum motu, saliendo, currendo, equitando vel saltando sese nescius exerceat homo; aut si vires probando jactabundus onera graviora gesserit, aut rursus acris, aut vehementiori vomitu fucutiatur; perpetuo in vite discrimine versatur. Abdominales musculi moribus plus aequo contracti, subjecta intestina & ipsum omentum concutunt valide, preinquant fortius, eademque per aperturas & loca male renitentia disrupto vel producto tantum peritonæo sæpe cogunt exilire. Idem quoque faciunt otiosa quies, & victus quorundam opparum vel lubricans, vias nimium laxando. In feminis utero gestantibus & ipse partus, præsertim laboriosus hernias producit. Umbilicus in iis nonnunquam quasi dilaceratur, & ingenti volumine protuberat. Quid non fœnisti alvo dura laborantibus imminet? Quot hernias procreant, ejiciens nimium induratis alvi fecibus immensi conatus? Quanta possit diaphragmatis & musculorum abdominis simultanea compressio, anatomia docet. Stupeas sanè si frequentiores non reperiantur herniæ, cum tot ac tam multiplices causæ his producendis conferant! Jam verò factæ herniæ vera accipias signa. Alia sunt omenti prolapsi; alia intestinorum effecta: majus ex his quàm ex illo periculum. Hernia intestinalis tumorem æqualem, durum & digitorum tactui renitentem semper exhibet. Tumoris modo crescit, modo minuitur prout magis vel minus flatibus fecibus-ve distenditur. Si nulla, aut levis strangulatio, faciliè versus interiora sponte, vel blando digitorum impulsu cum murmore vel rugitu remeat. Ast ubi omentum solum in inguen, vel in scrotum cecidit, tumor animadvertitur mollis, inæqualis, indolens, atque premente manu lentè admodum ac sine sonitu retrò vergens. Symptomata utriusque visceris strangulationem comitantia sunt rugientes in abdomine borborismi, dolor ingens, frequentior vomitus, chylosus, biliosus, & stercoralis: intestina & musculi abdominales occupat immensa tensio: febris ardens cum difficili respirazione. Pulsus adeo parvus, frequens ac depressus. Lypothimix & sudores frigidi quibus succellivè lacellantur ægri mortem propinquam minantur, si vè umbilicalis, si vè inguinalis fuerit hernia.

I I I.

COGNITIS nunc variis herniarum verarum denominationibus, & enarratis signis atque symptomatibus herniæ tum inguinalis, tum umbilicalis speciei diversæ propriis, cujusque hæc morâ fulcipienda curatio. Hæc duplici modo perficitur, aut enim prolapsæ partes nullatenus læsæ nec multum in ovali foramine obliqui externi compressæ deprehendantur; tunc faciliè sine ulla continui tegumentorum solutione, eâ operatione *Taxi* dictâ intus remittuntur: aut eadem partes, in locis in quæ deciderant ita sunt irritatæ atque impeditæ, ut non nisi Chirurgicis instrumentis liberari queant. Operationum ambarum, ut inæqualis difficultas, sic & inæquale periculum. Prior ex ægri positu debito, venæ sectionibus, cataplasmatibus partes relaxantibus, aut admodum tumorem condensantibus, & digitorum operâ perficitur. Tumor manuum oleo & bulyro recenti imbutarum levi contractione palpat, & intestinum vel omentum, emollitis paulatim si quæ sint fecibus, versus interiora quoque profluerat ordine, repellitur, applicatis dein convenientibus subligaculis recidivam prohibentibus. Alteram operationem labores sudoresque multi comitantur: in hac celebrandâ prudens consilium & perite manus requiruntur. Mutua partium prolapsarum cum involucris vel cum vicinis membranis adhesio, aut earundem pessundata natura plenum opus alacè porrigunt. Difficultas omnes olim ferè teruit, nec non etiam nunc terret. Suam quisque proposuit methodum. Hic punctum auratum tanquam præstabilis obganit; ille operationem regiam cæteris prædicat opponendam. Utramque praxim sapientior ablegat, solamque *Bubonocelæ* operationem herniis veris congruam jure merito prælaudat. De illius necessitate & excellentià consentiunt aucti; sed de tempore celebrandæ opportuno dissentient plurimum. Sunt qui dubii successus operam aggredi nolunt, nec manus admoveere partibus ex herniâ lethaler affectus audent. Hoc fecit error de vulneribus intestinorum quæ incurabilia credebantur, quique nimia credulitate antea antiquis ad posteros translatus est. Cave ne te idem auferat error. Nulquam magis elucet naturæ potens virtus quàm in intestinorum effectibus; hic damna rescire semper paratam stupens videris. Ne te lateat intestina sæpius sine insauro eventu fuisse aut divulsa vulneribus, aut gangranosa phlogosi percussa. Ne te fugiat fauces porciones intestinorum satis amplas à sanis integrè resectas mutuum extremorum unionem & coalitionem, favente manus peritiâ, permisisse. Ea est Canalis intestinorum fabrica & compositio, ut stillante ex vasculis succorum appellentium ferissime disjunctæ fibrillæ sensim adhaerescendo conglutinentur. Ex quatero membranarum numero quibus componuntur intestina, communis & musculoſa solutam unionem restituere maxime possunt. Prima & exterior à peritonæo producta & mesenterio continua, vulnere separata faciliè maturat à vicinis undè coalescat. Secunda carnis fibris constata quæ ut alii musculi, vulnere disjunctæ vel ulcere derosa regenerationem perfectam recuperare aptæ sunt. Nec majus negotium in curâ facessunt nervosa & villosa intestinorum membrane. Ampliores illæ, laxiores & molliores primarum nifus, propensiones, nexus, adhesiones & coalitus sequuntur. Ex his procul dubio fontibus inexhaustis, felices adeo successus experta inter operandum aduacior Chirurgia, quæ desperatis inrebis opem salutaris morituris ex intestinorum prolapsu querere non dubitavit.

I V.

HERNIARUM species quæ operationem exposulant præsertim sunt illa inguinalis quæ *Bubonocelæ* vocatur, & umbilicalis *Exomphalos* dicta. In utraq; tentatis incautum quibus *Taxi*

inverso

partes prolapsæ reduci possunt auxiliis, operationem tardare pessimum. Durante strangulationis tempore crescit atque serpit latius inflammatio; hanc non claudo pede prosequuntur gangræna & sphacelus lethi hand procul distantis prænuucia. Ergo quantum ex ægrotantis statu dijudicare est, ad opus audaciter se accingat Chirurgus. Vestigiis illustrissimis de la Peyronie hæc operatione pluribus & feliciter celebrata inculci insulat. Hujus si peritiam non possit assequi, saltem imitetur, & gangrænam irridens distissimas artis opes deprobat. Noverit prius utrum intestinum solum, vel cum epiploo fuerit prolutum: noverit ex symptomatis & signis an illa partes sanæ vel malè affectæ sint, ut pro diversis casibus diversa prudens sibi proponat agenda. Aliiter enim in herniâ recuti, aliter in ventritâ, completâ & complicatâ; aliter ubi epiploon & intestinum graviter affici suspicio est, operandum. Si recens fuerit hernia, nec inveterata strangulatio hæc methodo procedendum. Æger in margine lecti lateris herniæ respondente collocatus, clatis paulisper coxis, diducitque cruribus fimitur continetur. Tum Herniotomus digitis manûs ex unâ tumoris parte, dum minister ex alterâ cutim elevat: hanc scalpello recto juxta corporis longitudinem amplâ satis divisione secat, cavendo ne subjectum herniæ saccum imprudens peringat. Divisâ sic cute adiposâs cellulas instrumento, gallicè *Dichaussoir* vocato, minutatim dedolendo destruit, donec peritonæum herniam continens omnino detectum fuerit, & annulus obliqui externi facile perferantur. Huic rilm dilatando operam navare est specillo sulcato, quod extremâ sui parte inter anulum & herniæ saccum immittit Chirurgus; dein idem specillum introductum hæc atque illuc leniter agit, ut cognito nihil inter ipsum & anulum intercipi scalpellum semicurvum juxta specilli sulcum versus os ilium dirigat, atque ejus ope anulum secando dilaret. Hujus autem sectionis signum quasi chartæ pergamænæ cultro sectæ sonitus. Porro in hujus herniæ specie vagina nullo modo adaperienda; sed illa cum partibus prolapsis per dilatatum anulum intus repellenda, aut ad oras annuli relinquenda. Vultus hic non torunda longâ & durâ, ut solet, per dilatatum anulum immittit curandum, sed glomello è linteis carptis confiato, plumaceolis & splenis mox vino calido madidis, ac deinceps ut in aliis vulneribus paratis & fasciacione spica dictâ artificiosè contentis. Plus difficultatis occurrit, cum hernia vetus, completâ & adhesionibus stipata; sed maximam, si partes delapsæ vehementer affectæ. In prioribus saccus herniæ, ut plurimum sero repletus, intestini majori volumine turgescunt, nec intus libenter regrediuntur; omentum solum aliquandâ vel cum intestino tumorem facit: alterutrum sæpè vel utrumque simul peritonæo fimitur cohererent: tunc vagina hernialis secundum totam longitudinem adaperienda est ut serum evacuetur, intestinum si ileum fuerit intus peritè reducat, & omentum filo quàm licuerit altè ligatum, totâ quâ deciderat parte rescindatur. Adhesiones, si quæ deprehendantur, intestini cum sacco herniæ prudenter & maximâ cautione instrumento *Myrtilifolio* destruenda. In ultimo casu, ubi suppositionem vel gangrænam passum est intestinum, hoc modo se gerat Chirurgus. Cute, eâ quâ jam memoravimus ratione, ampliori sectione divisâ, herniæ vaginam aperit, intestinumque diligenter observabit. Si ulceratum, pertusum foraminibus, vel gangrænam proximam animadvertit, scalpello dividit, ut contentis fecibus liberum pateat iter. Idem quoquè intestinum, eâ quâ gangrænam læsum est portione, à sano planè separando secabit, & factâ prius, si opus fuerit, anuli strangulantis dilatatione, utrumque extremum ita punctis aliquot futuræ committet, ut superius pyloro respondens, inferioris ad anum vergentis hiatum intromittatur. Nec obliviscatur Herniotomus in utrâque operatione solum per membranas intestini trajectum, fors pendulum esse relinquendum, ut hujus ministerio foris intestini ad oras vulneris admoti & retenti perscrutentur. Contingit sæpè hæc viâ feces alvina primis diebus effluere nondum factâ intestini utriusque extremitatis unionem. Sed natura paulatim Medici votis & Chirurgi laboribus respondens, intestini apertâ vel resectâ cum vicinis vel cum propriis membranâ coaluit promovet atque feces solitum per anum cursum cogit resumere.

V.

NE quis verò existimaverit probabilia tantum & verisimilia à nobis proponi, nec successum ex operationibus allegatis sequi posse felicem, legat incredulus Historiæ Regiæ Scientiarum Academiæ, evolvat Diaria, Transactiões Philosophicæ Regiæ Societatis Londinensis adeat, consulat Thesim inhâc Scholâ propagatam. Ex singulis consisterit eventum insaufum ex operatione Bubonocæles & Exomphali in partibus graviter affectis celebratâ nunquàm secutum esse. (a) Quæ præstitit illustrissimus Iatro Chirurgus avis miracula censenda sunt. (b) Nec minus encomium neceretur quod efficit Ramdoulæus perissimum. Hic illius imitator audax intestini duorum ferme pedum longitudine ex herniâ putrefactâ partem amputare non dubitavit, & extrema acûs futura ita adungere, ut postmodum feces alvina non per vulnus, sed per podicem meare experiret, ac deinceps cum ægrotantis integrâ salute perreverint. (c) Transactiões Philosophicæ plurimas citâ herniam inguinalem & umbilicalem observationes referunt, quibus evidenter probatur operationem in affecto intestino differri haud æquum esse. (d) Thesîs Clarissimi *Mery* ejusdem operatiõis successum curatione confirmat. Nos quoque observationem notatâ dignam hic in probationis incrementum publici juris facere censemus, ut quisque cuilibet audenti naturam in rebus desperatissimis sæpè faventem agnoscat. Quatuor abhinc annis puella viginti circiter annis nata, robustioribus lacertis, cum aliquâ attingendi causâ ingenti nisu brachia sursum extulisset, dolorem acutum, cum auditu crepitu dextro in inguine subito perlenfis: illa manibus admotis in doleris fere tumorem palpavit quem nulli tunc propter vetecundiam ausa est ostendere. Ventrûm tribus elapsis diebus; accedentibus nausæ, vomitu, ructibus, & crescente dolorum acutie, infelix Chirurgum vo-

- (a) Hist. R. S. Acad. ann. 1723. Mercur. gallic. Julii ann. 1732. pag. 1541.
(b) Vid. Commerc. litterar. anno 1712.
(c) Vid. Transact. Philos. anno 1746 pag. 201 & sequ.
(d) Thes. die 28. mensis Martii, anno 1714.

4
 cavit auxilium receptura. Tumor tactu, & Symptomatis hernia creditur. Huic reductione mederi nititur Chirurgus, impositis convenientibus ad emolliendum & relaxandum cataplasmatibus. Omnia tentantur incallum. Symptomatum gravitas augetur in horas, vomitus frequentior evadit, stercore ore rejiciuntur, abdomen intumescit valide, sudores frigidi, lypothimie cæteraque ejusmodi funesta viraginem invadunt: semanimis in nostrum adportatur Nosocomium; ubi post aliquot horas lecto decubuit silitur vomitus, & tumor inguinalis mollior factus in vicinum extenditur. Cutis livida, subærulea, phlictenis onusta & quasi sensu privata à nobis deprehenditur; fluctuatio palantis manum feriens liquidum effusum admonet: à nobis statuitur intestinum ex violentiori conatu facta peritonæi dilatatione vel rupturâ in inguen delapsum, ibique longiori morâ & strangulatione putrefactam, ac tumorem effusus sub cute forcibus auctum & expansum esse. Nec fessit opinio. Cutis prudenter & cautè admodum incisione longâ secatur; hæc fessâ feces substat affatim exeunt. Partes herniam facientes examinantur; omenti pars anipla putrida, ipsumque intestinum in ovali aperturâ strangulatum, longo foramine pertusum conspicitur: dilatur annulus ope scalpelli specillo sulcato immitti. Quodcumque omenti corruptum auferitur factâ prius ligaturâ. Intestinum perforatum ad margines annuli obliqui externi fixum tracto filo & forinsecus pendulo relinquitur, feces alvinas hæc eructans. Curatur quotidie ut decebat vulnus, & fecum copia sensum imminui visa est, agrâ identidem alvum ano deponente: elapsis dein octo mensibus fistula levis succum chylosum & biliosum duntaxat effluere sinebat, dum durior fecum materia canalem intestinorum rectâ sequens podice rejiciebatur. Perseverante interim vulneris exactâ curatione, hujus & intestini labia post alios quinque menses cum ægrotantis integrâ sanatione perfectâ coaluerunt.

Ergo in Herniis Intestinalibus, etiam cognitâ intestini prolapsi læsione, operatio celebranda:

DOMINI DOCTORES DISPUTATURI.

M. Joannes Descemet,

M. Cleridus Vachier,

M. Joannes-Baptista Boyer, Facultatis Decanus, Regii ordinis Eques, Regis Consiliarius Medicus in Supremo Senatu ac in generali Præfekturâ Parisiensi, Militarium Regni Nosocomiorum Inspector, Censor Regius, Regia Societatis Londinensis Socius, & Regii Medicorum Collegii Nanceianorum Socius Honorarius.

M. Joannes-Baptista Francisus de la Riviere,

M. Petrus-Josephus Morisot Deslandes,

M. Bernardus de Jussieu, Regi à Consiliis & Secretis, Regia Scientiarum Academia, Regique Societatis Londinensis Socius & in Horto Regio Botanices Prodemonstrator.

M. Guido Danië Despatre,

M. Joannes-Ludovicus-Maria Solier,

M. Joannes Astruc, Salubris Consilii Regii Socius, Regis Poloniarum Augusti secundi Electoris Saxonie, dum viveret Medicus Primarius & Præfessor Regius.

Proponerebat Parisiis JOANNES-ARMANDUS ROUSSIN DE MONTABOURG, Parisiensis, Saluberrimæ Facultatis Medicinæ Parisiensis Baccalaureus, A. R. S. H. 1760. A. SEXTA AD MERIDIEM.

Typis Viduæ QUILLAU, Universitatis & Facult. Med. Typographi, 1769.